

Cuira, ils 12 da mars 2024

COMMUNICAZIUN A LAS MEDIAS

50 onns Federaziun grischuna da spitex: Project musical communabel cun la kammerphilharmonie grischun

A chaschun da ses giubileum da 50 onns realisescha la Federaziun grischuna da spitex ensemen cun la kammerphilharmonie grischun in project musical tut spezial. La clientella da la spitex po profitar da concerts privats a chasa en l'atgna stiva: sco la spitex vegn a chasa tar la clientella e pussibilitescha a quella da manar ina vita independenta, vegnan era musicistas e musicists en stiva tar las clientas ed ils clients e portan plaschair e sensualidad.

Concerts en stiva

A chaschun da ses giubileum da 50 onns ha la Federaziun grischuna da spitex gi l'idea da lantschar insatge tut spezial. En collavuraziun cun la kammerphilharmonie grischun realisescha ella il 2024 in project musical communabel. Tranter la clientella da la spitex han ins tratg la sort per ils 100 «concerts en stiva». Ils «concerts en stiva» èn in regal musical: duas musicistas u dus musicists da la kammerphilharmonie grischun vegnan – analog a la spitex – a chasa tar la clientella e dattan in concert privat.

Stima e participaziun

Grazia als «concerts en stiva» prestan la spitex e la kammerphilharmonie grischun ina contribuziun social-musicala per ina gruppa da la societad ch'è fitg vulnerabla e vegn savens emblidada: persunas malsaunas e persunas attempadas. La clientella da la spitex na duai betg mo pudair far ina bella experientscha musicala, mabain era sentir ina stima ed ina participaziun speziala. En il Grischun vegnan var 6000 persunas tgiradas da la spitex. Ina gronda part da la clientella n'ha betg pli la pussaivladad da sa participar a la vita sociala. Malsognas, in'indendenza reducida, solitariadad e monotonia fan part dal mintgadi. Era la visita d'occurrènz culturalas n'è savens betg pli pussibla.

Tschertgar ina partenaria è stà simpel

La Federaziun grischuna da spitex ha plementà sapientivamain la kammerphilharmonie grischun. «Gia en l'emprim contact cun la kammerphilharmonie grischun ha il project procurà per entusiassem», raquinta Monika Schnoz, co-mainafaschenta da la Federaziun grischuna da spitex. «Beat Sieber, l'intendant da la kammerphilharmonie grischun, è stà intgantà da l'idea ed ha gist empermess ses sustegn». Cun quai ha il project pudì cumenzar. Communablamain han ins instradà il process da trair la sort per ils concerts, la coordinaziun e la tschertga da sponsurs. Il project vegn sustegnì da la Fundaziun Menzi Jenny Gertrud, la Fundaziun Hirzel, la Fundaziun Casty Buchmann e da l'Uffizi da cultura dal chantun Grischun.

Pertge musica?

L'idea da visitas individualas en la chombra da l'ospital u en las atgnas quatter parais, per exempel cun clowns, animals da terapia u musica, n'è betg nova, ma cumprovada e stimada. I dat bleras bunas raschuns da purtar musica live en ina situaziun da tgira:

- La musica na fa nagina differenza tranter malsaun u saun, n'enconuscha nagina vegliadetgna e naginas barrieras linguisticas.
- La musica sveglia emozions e regurdientschas e fa punts tranter il passà ed il preschent.
- La musica è sco medischina: ella nutrescha e medegescha e fa bain al cor.
- La musica procura per novas regurdientschas, per insatge da raquintar e permetta da stabilir contacts socials.
- La musica stimulescha la cogniziun, dat energia, speranza e segirezza, er en situaziuns grevas.
- La visita musicala è in contact social, ina sclerida ed in mument da plaschair.

Cumenzament cun success

En l'Engiadin'Ota han gia gè lieu ils emprims concerts. La clientella da la spitex e lur confamigliars han giudì la visita bainvegnida. «Igl è stads muments magics. Las audituras ed ils auditurs èn stads visiblamain commovids e ventiraivels. Tuts èn stads d'accord ch'els vegnian anc ditg a sa regurdar da quest concert spezial», raquinta Beat Sieber ch'è era stà al lieu.

Rollas barattadas

Era per las duas musicistas è il concert stà extraordinari: «Normalmain essan nus las ospitantas. Uss essan nus dentant giasts en il dachasa da nossas audituras e noss auditurs – quai pretenda in'autra sensibilitad e fidanza e dat a la musica en il vair senn dal pled in auter spazi», di ina da las musicistas da la kammerphilharmonie grischun. «Era per mai è il concert stà in eveniment spezial. Igl è stà in pli ferm dar e prender ch'en ina situaziun da concert normala. L'engraziaivladad ha sorprendì mai.»

kammerphilharmonie grischun

Engadinstrasse 44 | 7000 Cuir | t +41 81 253 09 45 | info@kammerphilharmonie.ch | kammerphilharmonie.ch

Federaziun grischuna da spitex

Gartenstrasse 2 | 7000 Cuir | 081 252 77 22 | info@spitexgr.ch | www.spitexgr.ch

Il project cuntinuescha

Suenter il cumenzament positiv èn planisads enfin la fin da l'onn ulteriurs concerts en tut las regions dal Grischun. A chaschun dals «concerts en stiva» vegnan en acziun differents instruments. Las musicistas ed ils musicists da la kammerphilharmonie grischun sunan mintgamai en dus. Ellas ed els possedan in grond repertori individual che tanscha da la musica classica sur il jazz fin a la musica populara.



Maletg: Las cellistas Karolina Öhmann e Diane Pencàk da la kammerphilharmonie grischun a chaschun dal «concert en stiva».

Persunas da contact per ulteriuras infurmaziuns:

Beat Sieber
intendant kammerphilharmonie grischun
078 662 16 05
beat.sieber@kammerphilharmonie.ch

Monika Schnoz
co-mainafatschenta Federaziun grischuna da spitex
081 252 77 22
info@spitexgr.ch

kammerphilharmonie grischun
Engadinstrasse 44 | 7000 Cuir | t +41 81 253 09 45 | info@kammerphilharmonie.ch | kammerphilharmonie.ch

Federaziun grischuna da spitex
Gartenstrasse 2 | 7000 Cuir | 081 252 77 22 | info@spitexgr.ch | www.spitexgr.ch

kammerphilharmonie grischun

Dapi 30 onns datti en il Grischun in orchester professiunal uschè varià sco il chantun sez. La musica da la kammerphilharmonie grischun aud'ins en la citad e sin la champagna, sin plazzas communalas, en baselgias ed en locals da saut, per pitschen e grond. Cun concerts da sinfonia tgira ella capodovras classicas. Musica da chombra, musica da film u concerts per famiglias cumpletteschan la purschida multifara. Attenziun speziala dat la kammerphilharmonie grischun a cumponists grischuns da pli baud e dad oz. Dapi l'onn 2016 maina il dirigent Philippe Bach la kammerphilharmonie grischun. L'orchester cumpiglia passa 30 persunas. Per ulteriuras infurmaziuns: www.kammerphilharmonie.ch

Federaziun grischuna da spitex

La Federaziun grischuna da spitex è l'uniun tetgala da las 18 organisaziuns da spitex regiunalas dal Grischun. Sco associaziun professiunala e dals patruns sustegna e cusseglia ella sias commembras, per che quellas possian ademplir il meglia pussaivel lur incumbensas. La federaziun funcziunescha sco plattafurma d'infurmaziuns per sias commembras, s'occupa da dumondas relevantas per la spitex e coordinescha las incumbensas. Ella tgira il contact cun las autoritads, las assicuranzas da malsauns, las associaziuns chantunalas e federalas ed ulteriuras organisaziuns dal sector da sanadad e dals fatgs socials, represchentond ils interess da la spitex.

www.spitexgr.ch

kammerphilharmonie grischun

Engadinstrasse 44 | 7000 Cuiras | t +41 81 253 09 45 | info@kammerphilharmonie.ch | kammerphilharmonie.ch

Federaziun grischuna da spitex

Gartenstrasse 2 | 7000 Cuiras | 081 252 77 22 | info@spitexgr.ch | www.spitexgr.ch